

«Մեդտեխսերվիս» սահմանափակ պատասխանատվությամբ ընկերությունը, ի դեմս տնօրեն Ա.Մանուկյանի, ով գործում է ընկերության Կանոնադրության հիման վրա, այսուհետ՝ «Վաճառող», մի կողմից, և

«Հայաստանի հանրային հեռուստաընկերություն» փակ բաժնետիրական ընկերությունը, ի դեմս գործադիր տնօրենի ժամանակավոր պաշտոնակատար Ա.Սարգսյանի, ով գործում է Հայաստանի հանրային հեռուստառադիոընկերության խորհրդի 21.04.2020թ.-ի թիվ 16-Ա որոշման հիման վրա, այսուհետ՝ «Գնորդ», մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

- 1.1 Վաճառողը պարտավորվում է սույն Պայմանագրով սահմանված կարգով, ծավալներով, ժամկետում և հասցեով Գնորդին մատակարարել սույն Պայմանագրի Հավելված 1-ում նշված ապրանքները (այսուհետ՝ Ապրանքներ), իսկ Գնորդը պարտավորվում է ընդունել Ապրանքները և վճարել դրանց դիմաց սույն Պայմանագրով նախատեսված կարգով, չափով և ժամկետում:
- 1.2 Սույն Պայմանագրով սահմանված Ապրանքները մատակարարվելու են ՀՀ, ք.Երևան, Գ.Հովսեփյան 26 հասցեով՝ սույն Պայմանագրի 3.2.1 կետով սահմանված կանխավճարը վճարելուց 20 (քսան) աշխատանքային օրվա ընթացքում:
- 1.3 Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Վաճառողն իրավունք ունի՝

- 2.1.1 Գնորդից պահանջել ընդունելու Պայմանագրով նախատեսված կարգով, ծավալներով, ժամկետում և հասցեով մատակարարված Ապրանքները:
- 2.1.2 Գնորդից պահանջել վճարելու Պայմանագրով նախատեսված կարգով, ծավալներով, ժամկետում և հասցեով մատակարարված և Գնորդի կողմից ընդունված Ապրանքների համար իրեն վճարման ենթակա գումարը:
- 2.1.3 Գնորդի համաձայնությամբ Ապրանքները մատակարարել վաղաժամկետ:

2.2 Վաճառողը պարտավոր է՝

- 2.2.1 Գնորդին հանձնել Պայմանագրով և կիրառելի օրենսդրությամբ սահմանված ստանդարտներին, պահանջներին, կանոններին բավարարող որակի, Պայմանագրով նախատեսված քանակի և տեսակի Ապրանքներ՝ Պայմանագրով նախատեսված ժամկետում և հասցեով:
- 2.2.2 Գնորդի կողմից Ապրանքների որակը հավաստող ՀՀ օրենսդրությամբ սահմանված փաստաթղթերը տրամադրելու պահանջ ներկայացվելու դեպքում՝ տրամադրել նաև այդպիսի փաստաթղթերը:
- 2.2.3 Գնորդին հանձնել Ապրանքների պատկանելիքները և համապատասխան փաստաթղթերը, եթե այդպիսիք առկա են և կիրառելի են Ապրանքների բնույթից ելնելով:
- 2.2.4 Գնորդին հանձնել երրորդ անձանց իրավունքներից ազատ Ապրանքներ:
- 2.2.5 Պայմանագրի 2.3.2 կետի ii ենթակետով, 2.3.3 կետի i ենթակետով, ինչպես նաև 2.3.4 կետի iii ենթակետով նախատեսված դեպքերում, ապահովել Ապրանքների մատակարարումը՝ Գնորդի կողմից սահմանված ժամկետում:
- 2.2.6 Հետ տանել Գնորդի կողմից Պայմանագրի 2.4.2 կետին համապատասխան պատասխանատու պահպանության ընդունված Ապրանքները կամ ողջամիտ ժամկետում այլ կերպ տնօրինել դրանք և հատուցել Ապրանքները պատասխանատու պահպանության ընդունելու, դրանք իրացնելու կամ Վաճառողին վերադարձնելու հետ կապված Գնորդի կատարած անհրաժեշտ ծախսերը:
- 2.2.7 Պայմանագրով նախատեսված դեպքերում վճարել Պայմանագրի 5.2 և 5.3 կետերով նախատեսված տույժը և տուգանքը:

- 2.2.8 Պայմանագրի 2.3.6 կետով նախատեսված իրավիճակներում Պայմանագրի լուծման դեպքում, Գնորդին հատուցել վերջինիս պատճառված վնասները:
- 2.2.9 Պայմանագրի գործողության ընթացքում լուծարման կամ սնանկացման գործընթաց սկսելու դեպքում, դրա մասին նախապես գրավոր տեղեկացնել Գնորդին:

2.3 **Գնորդն իրավունք ունի՝**

- 2.3.1 Ապրանքները Կողմերի միջև համաձայնեցված ժամկետում Վաճառողի կողմից չմատակարարվելու դեպքում իր հայեցողությամբ հրաժարվել Պայմանագրից կամ սահմանել Ապրանքների մատակարարման նոր ժամկետ և պահանջել Վաճառողից վճարելու Պայմանագրի 5.2 կետով նախատեսված տույժը:
- 2.3.2 Եթե հանձնվել է անպատշաճ որակի՝ Պայմանագրով նախատեսված բնութագրին չհամապատասխանող ապրանք՝
- պահանջել հատուցելու ապրանքի անպատշաճ որակի լինելու պատճառով իր կատարած ծախսերը.
 - չընդունել ապրանքն՝ իր հայեցողությամբ սահմանելով անպատշաճ որակի ապրանքը Պայմանագրին համապատասխանող որակի Ապրանքով անհատույց փոխարինելու ողջամիտ ժամկետ և պահանջել Վաճառողից վճարել Պայմանագրի 5.3 կետով նախատեսված տուգանքը, ինչպես նաև 5.2 կետով նախատեսված տույժը.
 - հրաժարվել Պայմանագիրը կատարելուց և պահանջել վերադարձնել Ապրանքների համար վճարված գումարը, եթե Ապրանքների համար արդեն իսկ վճարվել է:
- 2.3.3 Եթե հանձնվել են Պայմանագրով որոշվածից պակաս քանակի Ապրանքներ, ապա՝
- պահանջել լրացնել Ապրանքների պակաս հանձնված քանակը և վճարել Պայմանագրի 5.2 կետով նախատեսված տույժը.
 - հրաժարվել հանձնված Ապրանքներից և դրանց դիմաց վճարելուց, իսկ եթե Ապրանքների համար արդեն իսկ վճարվել է՝ պահանջել վերադարձնել վճարված գումարը:
- 2.3.4 Եթե հանձնվել է տեսակի պայմանի խախտմամբ ապրանք, իր ընտրությամբ՝
- ընդունել տեսակի վերաբերյալ պայմանին համապատասխանող Ապրանքները և հրաժարվել մնացած ապրանքներից.
 - հրաժարվել հանձնված բոլոր ապրանքներից.
 - պահանջել տեսակի վերաբերյալ պայմանին չհամապատասխանող ապրանքի անհատույց փոխարինում Պայմանագրով նախատեսված տեսակին համապատասխան Ապրանքով և պահանջել Վաճառողից վճարել Պայմանագրի 5.3 կետով նախատեսված տուգանքը, ինչպես նաև 5.2 կետով նախատեսված տույժը:
- 2.3.5 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով Պայմանագիրը լուծելուց հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանքներ՝ Պայմանագրով նախատեսվածի փոխարեն՝ Պայմանագրով սահմանված և դրա փոխարեն կնքված գործարքի գների միջև տարբերության, ինչպես նաև Ապրանքներն այլ անձից ձեռք բերելու համար Գնորդի կատարած բոլոր անհրաժեշտ և ողջամիտ ծախսերի չափով:
- 2.3.6 Միակողմանի լուծել Պայմանագիրը (լրիվ կամ մասնակի) և պահանջել վնասների հատուցում, եթե Վաճառողն էականորեն խախտել է Պայմանագիրը: Ընդ որում, Վաճառողի կողմից Պայմանագիրը խախտելն էական է համարվում, եթե՝
- մատակարարվել է անպատշաճ որակի և/կամ տեսակի պայմանի խախտմամբ ապրանք, որը չի կարող փոխարինվել Գնորդի համար ընդունելի ժամկետում.
 - հանձնվել է պակաս քանակով ապրանք, որը չի կարող լրացվել Գնորդի համար ընդունելի ժամկետում.
 - խախտվել է Ապրանքների մատակարարման համար սույն Պայմանագրով սահմանված ժամկետը:
- 2.3.7 Ձևնել Ապրանքները և հայտնաբերված թերությունների մասին սույն Պայմանագրով սահմանված կարգով և ժամկետում տեղեկացնել Վաճառողին:
- ### 2.4 **Գնորդը պարտավոր է՝**
- 2.4.1 Կատարել Պայմանագրին համապատասխան մատակարարված Ապրանքների ընդունումն ապահովող բոլոր անհրաժեշտ գործողությունները:
- 2.4.2 Վաճառողի հանձնած Ապրանքներից Պայմանագրին համապատասխան հրաժարվելու դեպքում, ապահովել այդ Ապրանքների պատասխանատու պահպանությունը և դրա մասին անհապաղ տեղեկացնել Վաճառողին:

- 2.4.3 Պայմանագրով նախատեսված կարգով, ծավալներով, ժամկետում և հասցեով մատակարարված Ապրանքներն ընդունելու դեպքում, Վաճառողին վճարել վերջինիս վճարման ենթակա գումարը, իսկ վճարման ժամկետի խախտման դեպքում՝ նաև Պայմանագրի 5.5 կետով նախատեսված տույժը:
- 2.4.4 Ապրանքների որակի, քանակի, տեսականու մասին Պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո ողջամիտ ժամկետում, երբ Պայմանագրի համապատասխան պայմանի խախտումը պետք է հայտնաբերված լիներ՝ ելնելով Ապրանքների բնույթից և նշանակությունից:
- 2.4.5 Ապրանքների մատակարարումը ապահովելու համար Վաճառողին ապահովել համապատասխան պայմաններով, այդ թվում, Վաճառողի ներկայացուցիչներին տրամադրել Գնորդի տարածք մուտք գործելու հնարավորություն և այլն:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

- 3.1 Պայմանագրով մատակարարման ենթակա Ապրանքների ընդհանուր արժեքը կազմում է 1 300 000 (մեկ միլիոն երեք հարյուր հազար) ՀՀ դրամ՝ համաձայն սույն Պայմանագրի Հավելված 1-ով սահմանված նախահաշվի: Սույն Պայմանագրի ընդհանուր արժեքը ներառում է Պայմանագրի կատարումն ապահովելու նպատակով Վաճառողի կողմից իրականացվելիք բոլոր վճարները (ծախսերը), այդ թվում՝ հարկերը, տուրքերը, փոխադրման ծախսերը, ինչպես նաև՝ պարգևավճարները և ակնկալվող շահույթը:
- 3.2 Գնորդն իրեն մատակարարված Ապրանքների դիմաց վճարում է հետևյալ ժամանակացույցով.
 - 3.2.1 Պայմանագրի ընդհանուր արժեքի 60 (վաթսուս) տոկոսի չափով գումար որպես կանխավճար՝ մինչև 22.07.2020թ.-ը,
 - 3.2.2 Ընդհանուր արժեքի մնացած մասը՝ հանձնման-ընդունման ակտի և հաշիվ-վավերագրի երկկողմանի հաստատվելուց 10 (տասը) աշխատանքային օրվա ընթացքում:
- 3.3 Վճարումներն իրականացվում են ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Վճարման ամսաթիվ է համարվում Գնորդի բանկային հաշվից դրամական միջոցների ելքագրման ամսաթիվը: Բանկային ծախսերը Գնորդի բանկում կատարում է Գնորդը, իսկ Վաճառողի բանկում՝ Վաճառողը:

4. ԱՊՐԱՆՔՆԵՐԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

- 4.1 Ապրանքներն ընդունվում են Վաճառողի և Գնորդի միջև հանձնման-ընդունման ակտի ստորագրմամբ: Ապրանքների մատակարարման օրվանից 2 (երկու) աշխատանքային օրվա ընթացքում Վաճառողը Գնորդին է ներկայացնում իր կողմից ստորագրված հանձնման-ընդունման ակտը և հաշիվ-վավերագիրը:
- 4.2 Հանձնման-ընդունման ակտը ստորագրվում է, եթե Ապրանքները համապատասխանում են Պայմանագրի պայմաններին: Հակառակ դեպքում Պայմանագրի կամ դրա մի մասի կատարման արդյունքները չեն ընդունվում, հանձնման-ընդունման ակտը չի ստորագրվում և Գնորդը՝
 - i. հարցի կարգավորման համար ձեռնարկում է նման իրավիճակի համար Պայմանագրով նախատեսված միջոցառումները.
 - ii. Վաճառողի նկատմամբ կիրառում է Պայմանագրով նախատեսված պատասխանատվության միջոցները:
- 4.3 Գնորդը հանձնման-ընդունման ակտը և հաշիվ-վավերագիրը ստանալու օրվանից 2 (երկու) աշխատանքային օրվա ընթացքում Վաճառողին է ներկայացնում իր կողմից ստորագրված հանձնման-ընդունման ակտը և հաստատում հաշիվ-վավերագիրը կամ տրամադրում է Ապրանքները չընդունելու պատճառաբանված մերժում:
- 4.4 Եթե Պայմանագրի 4.3 կետով սահմանված ժամկետում Գնորդը չի ընդունում Ապրանքները կամ չի մերժում դրանց ընդունումը, ապա Ապրանքները համարվում են ընդունված և Պայմանագրի 4.3 կետով սահմանված վերջնաժամկետին հաջորդող աշխատանքային օրը Գնորդը Վաճառողին է տրամադրում իր կողմից ստորագրված հանձնման-ընդունման ակտը և հաստատում՝ հաշիվ-վավերագիրը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1 Վաճառողը պատասխանատվություն է կրում Ապրանքների որակի, մատակարարման ժամկետի և տեսակի պայմանի պահպանման համար:
- 5.2 Ապրանքների մատակարարման համար սույն Պայմանագրով սահմանված ժամկետի խախտման դեպքում, Վաճառողից կետանցի յուրաքանչյուր օրվա համար գանձվում է տույժ՝ մատակարարման ենթակա, սակայն չմատակարարված Ապրանքների գնի 0,5 (զրո ամբողջ հինգ տասնորդական) տոկոսի չափով: Ընդ որում, սույն կետով սահմանված տույժը հաշվարկվում է Կողմերի միջև համաձայնեցված

մատակարարման ժամկետից մինչև Կողմերի կողմից սույն Պայմանագրով համաձայնեցված ծավալներով պատշաճ որակի և տեսակի պայմանի պահպանմամբ Ապրանքները Գնորդին փաստացի հանձնելու օրն ընկած ժամանակահատվածի համար:

- 5.3 Պայմանագրի Հավելված 1-ում նշված բնութագրին չհամապատասխանող Ապրանքներ մատակարարելու յուրաքանչյուր դեպքում Վաճառողից գանձվում է տուգանք՝ Պայմանագրի ընդհանուր արժեքի 10 (տասը) տոկոսի չափով:
- 5.4 Պայմանագրի 5.2 և 5.3 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարներից:
- 5.5 Մատակարարված Ապրանքների դիմաց վճարելու սույն Պայմանագրի 3.2 կետով նախատեսված ժամկետի խախտման դեպքում, Գնորդի նկատմամբ կետանցի յուրաքանչյուր օրվա համար հաշվարկվում է տույժ՝ վճարման ենթակա, սակայն չվճարված գումարի 0,5 (զրո ամբողջ հինգ տասնորդական) տոկոսի չափով, բայց ոչ ավել, քան վճարման ենթական գումարի 5 (հինգ) տոկոսը:
- 5.6 Տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:
- 5.7 Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԱՅԼ ՊԱՅՄԱՆՆԵՐ

- 7.1 Պայմանագիրն ուժի մեջ է մտնում երկկողմանի ստորագրվելու պահից և գործում է մինչև Կողմերի՝ սույն Պայմանագրով ստանձնած պարտավորությունների ողջ ծավալով կատարումը:
- 7.2 Ապրանքների մատակարարման ժամկետը Վաճառողի խնդրանքով կարող է երկարաձգվել՝ մինչև այդպիսի ժամկետի լրանալը՝ պայմանով, որ մատակարարման ժամկետի երկարաձգման դեպքում Գնորդի մոտ չի վերանա Ապրանքների օգտագործման պահանջը:
- 7.3 Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 7.4 Սույն Պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած հակընդդեմ պարտավորության հաշվանցով՝ առանց Կողմերի գրավոր համաձայնության: Պայմանագրից ծագած պահանջի իրավունքը չի կարող փոխանցվել այլ անձի՝ առանց պարտապան կողմի գրավոր համաձայնության:
- 7.5 Պայմանագրի պատշաճ կատարման պայմաններում Կողմերի (Վաճառող կամ Գնորդ) օգուտները (խնայողությունները) կամ կրած վնասները տվյալ Կողմի օգուտը կամ կրած վնասն են:
- 7.6 Պայմանագրի Կողմերի՝ երրորդ անձանց նկատմամբ պարտավորությունները, ներառյալ Պայմանագրի կատարման շրջանակներում Վաճառողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:
- 7.7 Սույն Պայմանագրի Հավելված 1-ը հանդիսանում է Պայմանագրի անբաժանելի մասը:
- 7.8 Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ

ԱՊՐԱՆՔՆԵՐԻ ԲՆՈՒԹԱԳԻՐԸ ԵՎ ԱՐԺԵՔԸ

Հ/Հ	Ապրանքի անվանումը	Ապրանքի բնութագիրը	Չափման միավոր	Քանակ	Արժեքը (ՀՀ դրամ)
1.	Ներքին օրգանների մույլաժ	Մույլաժը բաղկացած է 25 մասից, համապատասխանում է իրական չափսերի: Գլուխը բաժանված է ուղեղը ուսումնասիրելու համար: Պարանոցի հատվածը բաց է մկանային, նյարդային, անոթային և գեղձային կառուցվածքը ուսումնասիրելու համար: Կրծքավանդակը և որովայնը ամբողջությամբ բաց են: Շարժական օրգաններն են՝ - աչք օպտիկական նյարդային և արտաբջջային մկաններ - ուղեղի կեղև՝ բաժանված է - տրախեա - աջ և ձախ թոքեր (յուրաքանչյուրը 2 մաս)՝ ցույց տալով բրոնխիալ ծառի և անոթների ցանցը - լյարդը, լեղապարկի հետ - մեկ երիկամի կեղև կտրված է ճակատային հարթության երկայնքով: Երկու մասից բաղկացած սիրտ՝ սրտամկանի, փորոքների, փականների և մկանների պատը - Ստամոքս, ենթաստամոքսային գեղձ - Հաստ ու բարակ աղի Արական և իգական միզասեռական համակարգ - Չափսը՝ 23 x 33 x 90 սմ - Քաշը՝ 9,3 կգ	Հատ	1	590000
2.	Գլխուղեղի մույլաժ	Գլխուղեղը բաղկացած է 9 մասից, համապատասխանում է իրական չափսի: - Չափսը՝ 16 x 18 x 16 սմ - Քաշը՝ 1 կգ Խոշորացումը՝ 1x	Հատ	1	200000
3.	Սրտի մույլաժ	Սրտի այս մոդելը ցույց է տալիս ներքին կառուցվածքները, ներառյալ սրտի փականները և աջ և ձախ փորոքների համեմատական ձևաբանությունը: - Չափսը՝ 3x խոշորացումով	Հատ	1	190000
4.	Մարդկային կմախքի մույլաժ	Իրական չափսերի համապատասխանող մարդկային կմախք, վերին և ստորին վերջույթները հնարավոր է հեշտությամբ առանձնացնել: - Շտատիվի առկայություն 5	Հատ	1	320000



	անիվներով Բարձրությունը՝ 180 սմ Քաշը՝ մոտավորապես 10 կգ:			
Ընդամենը				1300000

Կողմերի վավերապայմանները և ստորագրությունները

Վաճառող
«Մեդտեխսերվիս» ՍՊԸ

Հասցե՝ ՀՀ, ք. Երևան, Լեո 12
ՀՎՀՀ՝ 02205001
«Հայէկոնոմբանկ» ԲԲԸ
Հ/Հ՝ 163008142792

Ա. Մանուկյան
Տնօրեն



Գնորդ

«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26
ՀՎՀՀ՝ 01540062
«Արդշինբանկ» ՓԲԸ
Հ/Հ՝ 2470102796740000

Ա. Սարգսյան
Գործադիր տնօրենի ժ/ս

